



Cynllun Pensiwn
Llywodraeth Leol



Cronfa Bensiynau
CLWYD
Pension Fund

Cynllun Pensiwn Llywodraeth Leol (Cynghorwyr)

Deall eich Datganiad Buddion Pensiwn Blynyddol

Awst 2025

Tudalen Cynnwys

Pam ydw i wedi derbyn Datganiad Buddion Blynnyddol?	3
Pwynt i'w nodi.....	3
Cadwch yn ddiogel rhag sgamiau pensiwn	3
Adolygu eich Datganiad Buddion Blynnyddol.....	3
Manylion personol	3
Manylion cyflogaeth	4
Yr adran Crynodeb o Fuddion	5
Sut mae eich cynllun pensiwn yn gweithio.....	5
Enghraifft o gyflog cyfartalog gyrfa	5
Cyfanswm Aelodaeth	5
Sut cyfrifir pensiynau CPLIL Cynghorydd	6
Crynodeb o'r buddion a gronnwyd hyd at 31 Mawrth 2025	6
Lwfans cyfandaliad.....	7
Lwfans blynnyddol	7
Buddion marw yn y swydd.....	8
Manylion mynegi dymuniad grant marwolaeth	8
Pwy ddylwn i gysylltu â nhw os oes gen i ymholiad am fy Natganiad Buddion Blynnyddol?	9

Pam ydw i wedi derbyn Datganiad Buddion Blynyddol?

Rydych wedi derbyn datganiad gan eich bod yn talu cyfraniadau pensiwn i'r Cynllun Pensiwn Llywodraeth Leol (CPLIL i Gynghorwyr). Trwy dalu'r cyfraniadau hyn, rydych chi'n cronni buddion pensiwn yn y CPLIL. Cronfa Bensiynau Clwyd yw gweinyddwr eich pensiwn, ac sy'n gyfrifol am ofalu am eich cofnod pensiwn. Mae eich Datganiad Buddion Blynyddol yn eich galluogi i weld y manylion diweddaraf am eich buddion pensiwn.

Pwynt i'w nodi

Yr oedran ieuengaf y gallwch ymddeol o Gynllun Pensiwn Llywodraeth Leol neu o fod yn Gynghorydd CPLIL ar hyn o bryd yw 50. Fodd bynnag, bydd angen cytundeb eich cyngor arnoch i ymddeol cyn 55 oed.

Mae Llywodraeth y DU wedi cyhoeddi y bydd yr oed cynharaf y gallwch dynnu eich pensiwn yn cynyddu o 55 oed i 57 oed o 6 Ebrill 2028. Nid yw hyn yn berthnasol os ydych angen cymryd eich pensiwn yn gynt oherwydd salwch.

Fe allech gael eich gwarchod rhag y cynnydd hwn os gwnaethoch ymuno â'r CPLIL yng Nghymru a Lloegr cyn 4 Tachwedd 2021. Fodd bynnag, dim ond pan fyddwch chi'n tynnu eich pensiwn CPLIL y byddwch chi'n gallu cael eich gwarchod, os yw rheolau'r Cynllun yn caniatáu ichi dynnu eich pensiwn cyn troi'n 57 oed.

Llywodraeth y DU sy'n gosod rheolau Cynllun Pensiwn Llywodraeth Leol. Nid yw wedi ei gadarnhau eto os bydd yn caniatáu i aelodau, sy'n gymwys i gael eu gwarchod, gymryd eu pensiwn CPLIL cyn eu bod yn 57 mlwydd oed o 6 Ebrill 2028.

Cadwch yn ddiogel rhag sgamiau pensiwn

Mae sgamiau pensiwn yn driciau a all ddwyn yr holl arian yr ydych wedi'i gynilo ar gyfer ymddeoliad. Byddwch yn ofalus os bydd rhywun yn eich ffonio, yn anfon e-bost atoch neu'n cynnig rhywbeth i chi sy'n swnio'n rhy dda i fod yn wir. Gwiriwch fod unrhyw gynghorydd ariannol neu ddarparwr pensiynau wedi cofrestru gyda'r Awdurdod Ymddygiad Ariannol (FCA) bob amser. Am fwy o gyngor ar sut i ddiogelu eich pensiwn, ewch i <https://www.fca.org.uk/scamsmart> (mae'r ddolen yn mynd i wefan allanol felly bydd yn Saesneg) a lawr lwythwch y daflen ymwybyddiaeth o sgamiau gan y Grŵp Gweithredu ar Sgamiau Pensiwn [yma](#) (mae'r ddolen yn mynd i wefan allanol felly bydd yn Saesneg). Os hoffech gopi papur o'r daflen, cysylltwch â ni a gallwn anfon copi atoch.

Adolygu eich Datganiad Buddion Blynyddol

Manylion personol

Darllenwch y rhan hon o'ch datganiad yn ofalus. Mae'r adran hon yn cynnwys eich enw, dyddiad geni a statws priodasol. Mae'n bwysig eich bod yn gwirio bod yr holl fanylion yn gywir, gan y bydd unrhyw wallau yn effeithio ar y ffigyrau pensiwn sydd i'w gweld ar eich

datganiad. Er enghraifft, os yw eich dyddiad geni'n anghywir, bydd eich oedran ymddeol arferol yn anghywir. Os yw eich statws priodasol yn anghywir, gall gwerth pensiwn eich partner sy'n goroesi fod yn anghywir. Mae'n bwysig bod y wybodaeth gywir gennym, er mwyn sicrhau eich bod yn cael yr holl fuddion sy'n ddyledus i chi pan fyddwch yn ymddeol.

Os yw unrhyw fanylion sydd gennym ar eich cyfer yn anghywir, cysylltwch i roi gwybod i ni ac fe allwn eu diweddarw i chi. Fe fydd angen i ni weld prawf ar gyfer rhai newidiadau, megis tystysgrif berthnasol ar gyfer newid enw neu ddyddiad geni.

Dylech wirio bod y darnau canlynol o wybodaeth sydd gennym ar eich cyfer yn gywir:

- Cyfeiriad cartref
- Cyfenw cyfredol
- Dyddiad geni
- Statws priodasol

Manylion cyflogaeth

Mae'r tabl isod yn egluro'r wybodaeth sydd yn yr adran manylion cyflogaeth. Mae'r manylion hyn wedi'u rhoi i ni gan eich Cyngor ac fe'u defnyddiwyd i gyfrifo'ch buddion pensiwn sydd i'w gweld ar eich datganiad. Mae'r wybodaeth ar eich datganiad yn seiliedig ar eich amgylchiadau ar 31 Mawrth 2025. Os ydych chi'n credu bod unrhyw ran o'r wybodaeth yn anghywir, cysylltwch â'ch Cyngor yn uniongyrchol.

Y Pennawd ar eich Datganiad Buddion Blynnyddol	Aelodau sy'n talu cyfraniadau CPLIL ar hyn o bryd
Cyngor	Mae hwn yn nodi i ba Gyngor rydych chi'n Gynghorydd tra'n talu cyfraniadau pensiwn i'r CPLIL.
Eich rhif cyfeirnod	Fel arfer, eich rhif cyfeirnod yw'r rhif cyflogau mae eich Cyngor wedi'i roi i chi.
Dyddiad ymuno â'r gronfa	Y dyddiad y dechreuoch dalu cyfraniadau pensiwn i'r CPLIL.
Cyfanswm aelodaeth	Mae'r cyfanswm aelodaeth ar eich datganiad yn seiliedig ar nifer y blynnyddoedd a dyddiau sydd wedi mynd heibio o'r dyddiad pan ddechreuoch dalu cyfraniadau i'r CPLIL hyd at 31 Mawrth 2025. Bydd hyn yn caniatáu i chi weld gwerth presennol eich buddion CPLIL.
Cyfartaledd cyflog gyrfa	Mae eich buddion pensiwn yn cael eu cyfrifo gan ddefnyddio cyfartaledd y ffioedd neu gyflog rydych chi'n talu cyfraniadau pensiwn ar eu cyfer, wedi'u hailbrisio, yn ystod eich cyfnod fel Cynghorydd. Mae'r enillion yn cael eu hailbrisio i sicrhau bod cyflog cyfartalog eich gyrfa yn ystyried cynnydd mewn costau byw.

Yr adran Crynodeb o Fuddion

Er mwyn i chi ddeall y ffigyrau pensiwn ar eich datganiad, mae'n bwysig eich bod yn deall yn gyntaf sut mae'r Cynllun Pensiwn Llywodraeth Leol yn gweithio.

Sut mae eich cynllun pensiwn yn gweithio

Amcangyfrifir eich buddion pensiwn gan ddefnyddio:

- Cyfradd gronni o 80fedau,
- Cyflog cyfartalog eich gyrfa, a
- Chyfanswm eich aelodaeth yn y CPLIL

Enghraifft o gyflog cyfartalog gyrfa

Yn yr enghraifft hon, mae'r Cynghorydd wedi bod yn aelod o'r CPLIL i Gynghorwyr ers pum mlynedd. Mae cyflog cyfartalog eu gyrfa yn seiliedig ar yr holl ffioedd neu gyflog y maen nhw wedi talu cyfraniadau pensiwn ar eu cyfer, yn ogystal â chynnydd mewn costau byw, yn unol â mesur chwyddiant, sef y Mynegai Prisiau Manwerthu neu'r MPM. **Mae'r ffigurau yn y nodiadau isod at ddibenion enghreifftiol yn unig. Darllenwch eich Datganiad Buddion Blyneddol i gael gwybodaeth am gyflog cyfartalog eich gyrfa a'ch ffigyrau pensiwn.**

Cyflog Blwyddyn 1 £9,400	x cynnydd costau byw 1.12	= £10,528
Cyflog Blwyddyn 2 £9,600	x cynnydd costau byw 1.08	= £10,368
Cyflog Blwyddyn 3 £9,900	x cynnydd costau byw 1.05	= £10,395
Cyflog Blwyddyn 4 £10,400	x cynnydd costau byw 1.02	= £10,608
Cyflog Blwyddyn 5 £11,000	x cynnydd costau byw 1.00	= £11,000
	Cyfanswm Cronedig	= £52,899
	Cyflog Cyfartalog Gyrfa (£52,899 ÷ 5 Mlynedd)	= <u>£10,579.80</u>

Cyfanswm Aelodaeth

Pan fyddwch yn rhoi'r gorau i dalu cyfraniadau pensiwn yn y dyfodol, bydd cyfanswm eich aelodaeth derfynol yn seiliedig ar nifer y blynnyddoedd a dyddiau sydd wedi mynd heibio o'r dyddiad y dechreuoch dalu cyfraniadau i'r CPLIL hyd at eich dyddiad gadael.

Sut cyfrifir pensiynau CPLIL Cynghorydd

Cynllun Pensiwn Cyfartaledd gyrfa Cyfradd gronni o 80fedau (a elwir hefyd yn gyfradd gronni)	Cyfrifir eich pensiwn blynyddol gan ddefnyddio'r swm canlynol: Blynyddoedd a dyddiau aelodaeth yn y cynllun ÷ 80 x cyflog cyfartalog gyrfa	Mae'ch cyfandaliad awtomatig fel rheol yn ddi-dreth ac yn cael ei gyfrifo yn defnyddio'r swm yma: Tair gwerth eich pensiwn blynyddol Mae gennych hefyd opsiwn i gael cyfandaliad mwy wrth ymddeol drwy droi rhywfaint o'ch pensiwn blynyddol yn gyfandaliad	Oedran ymddeol arferol rhwng 60 a 65 (yn dibynnu ar yr achos unigol)
--	--	--	---

Crynodeb o'r buddion a gronnwyd hyd at 31 Mawrth 2025

Nid yw'r ffigyrau yn yr adran hon yn rhoi ystyriaeth i unrhyw ostyngiadau am ymddeol yn gynnar. Yn hytrach, mae'r ffigyrau'n dangos faint yw gwerth eich buddion pensiwn pe baech wedi rhoi'r gorau i dalu cyfraniadau pensiwn CPLIL ar 31 Mawrth 2025 ond wedyn yn aros cyn cymryd eich pensiwn tan eich oedran ymddeol arferol.

Os ydych chi wedi talu cyfraniadau gwirfoddol ychwanegol (CGY), nid yw'r rhain wedi'u cynnwys ar eich datganiad. Byddwch yn derbyn datganiad ar wahân gan y darparwr CGY. Bydd eich CGY yn cael eu cadw gyda naill ai'r Prudential neu Utmost Life.

Darllenwch yr eglurhad yn y tabl. Byddant o gymorth i chi gyda deall eich ffigyrau yn yr adran hon yn eich datganiad.

Y Pennawd ar eich Datganiad Buddion Blynyddol	Aelodau sy'n talu cyfraniadau CPLIL ar hyn o bryd
Taladwy o (oedran ymddeol arferol)	Mae hwn yn dangos yr oed sydd wedi'i gadarnhau fel eich oedran ymddeol arferol yn y CPLIL. Yr oedran ymddeol arferol o'r CPLIL (Cynghorwyr) yw 65. Mae'n bwysig eich bod yn gwirio bod y dyddiad geni sydd gennym ar eich cyfer yn adran manylion personol eich datganiad yn gywir, gan y bydd hyn yn effeithio ar eich oedran ymddeol arferol.
Pensiwn blynyddol	Mae hwn yn dangos gwerth eich pensiwn blynyddol ar sail eich aelodaeth o'r dyddiad y gwnaethoch ddechrau talu cyfraniadau pensiwn hyd at 31 Mawrth 2025. Nid yw'r ffigwr yn yr adran hon yn rhoi ystyriaeth i unrhyw ostyngiadau am ymddeol yn gynnar.

Y Pennawd ar eich Datganiad Buddion Blynyddol	Aelodau sy'n talu cyfraniadau CPLIL ar hyn o bryd
Cyfandaliad awtomatig	Mae hwn yn dangos gwerth eich cyfandaliad awtomatig ar sail eich aelodaeth o'r dyddiad y gwnaethoch ddechrau talu cyfraniadau pensiwn hyd at 31 Mawrth 2025. Mae cyfandaliadau fel arfer yn ddi-dreth i'r rhan fwyaf o aelodau. Gallwch ddarllen mwy am gyfandaliadau isod. Nid yw'r ffigwr yn yr adran hon yn rhoi ystyriaeth i unrhyw ostyngiadau am ymddeol yn gynnar.
Pensiwn blynyddol partner sy'n goroesi	Mae hwn yn dangos gwerth pensiwn partner sy'n goroesi hyd yma ar 31 Mawrth 2025. Mae pensiynau partner sy'n goroesi yn daladwy i ŵr, gwraig neu bartner sifil.

Lwfans cyfandaliad

Pan fyddwch chi'n ymddeol, byddwch yn derbyn cyfandaliad awtomatig a byddwch hefyd yn gallu cyfnewid rhywfaint o'ch pensiwn i dderbyn cyfandaliad mwy os ydych yn dymuno.

Telir y cyfandaliad yn ddi-dreth i'r rhan fwyaf o aelodau, ond mae terfyn ar faint o arian parod di-dreth y gallwch ei gymryd o gynlluniau pensiwn y DU. Mae Cyllid a Thollau EF yn rhoi terfyn ar faint o gyfandaliad di-dreth y gallwch ei gymryd pan fydd eich pensiwn yn cael ei dalu i chi. Gelwir y terfyn hwn yn lwfans cyfandaliad. Ar hyn o bryd, y cyfandaliad mwyaf yw'r isaf o'r canlynol:

- 25% o werth cyfalaf eich buddion
- £268,275*
- £268,275* yn llai na chyfanswm y cyfandaliadau rydych chi wedi'u cymryd eisoes

*Os oes gennych chi warchodaeth Lwfans Oes ddilys, o bosibl y gallech gymryd cyfandaliad sy'n fwy na £268,275.

Bydd yn gyfandaliad di-dreth fel arfer, ond os ewch chi dros derfyn y lwfans cyfandaliad, bydd rhaid i chi dalu treth ar y swm uwchlaw'r terfyn ar eich cyfradd ymylol.

Lwfans blynyddol

Eich lwfans blynyddol yw'r swm y gall gwerth eich buddion pensiwn gynyddu mewn blwyddyn dreth heb i chi orfod talu treth. Os yw gwerth eich cynilion pensiwn rhwng 6 Ebrill a 5 Ebrill yn fwy na'ch lwfans blynyddol, bydd y swm dros ben yn cael ei drethu fel incwm. Mae'r gwiriad lwfans blynyddol hwn yn cynnwys cynilion pensiwn y tu allan i'r CPLIL. Nid yw'r lwfans blynyddol yn effeithio ar y rhan fwyaf o aelodau.

Eich cyfyngiad lwfans blynyddol safonol presennol yw £60,000. Mae'r wybodaeth ar eich datganiad ar gyfer 2025 wedi ei seilio ar faint rydych chi wedi ei ddefnyddio o'r terfyn lwfans blynyddol £60,000 yn ystod blwyddyn dreth 2024/2025.

Os yw'r swm yn yr adran hon o'ch datganiad yn llai na £60,000, ni fydd treth yn cael ei chodi ar eich pensiwn CPLIL ar gyfer blwyddyn dreth 2024/2025.

Os yw'r swm yn yr adran hon yn agos at neu'n fwy na £60,000, byddwch yn cael Datganiad Cynilion Pensiwn gennym ni ym mis Hydref 2025. Bydd y Datganiad Cynilion Pensiwn yn dangos gwybodaeth am eich lwfans blynyddol yn unig a bydd yn egluro beth i'w wneud nesaf os bydd angen i chi dalu treth.

Os ydych chi'n meddwl y gallech chi gael eich effeithio a'ch bod yn dymuno cael rhagor o wybodaeth fanwl, darllenwch ein taflen ffeithiau **Trethiant Pensiynau: Lwfans Blynyddol** yn yr **adran ffurflenni ac adnoddau (CPLIL Cynghorwyr)** ar ein gwefan.

Buddion marw yn y swydd

Fel aelod o'r CPLIL pan fyddwch yn marw, mae yna daliad posibl yn ddyledus: cyfandaliad grant marwolaeth a phensiwn partner sy'n goroesi. Mae'r tabl isod yn egluro'r ffigyrau ar eich Datganiad Buddion Blynyddol.

Cyfandaliad marw yn y swydd	Mae'r ffigwr sydd i'w weld ar eich datganiad yn seiliedig ar faint fyddai'r grant marwolaeth pe baech wedi marw tra'n dal i weithio ar 31 Mawrth 2025. Mae'n defnyddio dau x y cyflog cyfartalog gyrfa sydd i'w weld yn yr adran manylion cyflogaeth ar eich Datganiad Buddion Blynyddol. Y rheswm am hyn yw bod gwerth y grant marwolaeth wedi'i gyfrifo fel dau x cyflog cyfartalog eich gyrfa.
Pensiwn blynyddol partner sy'n goroesi	Mae'r adran hon yn nodi faint fyddai pensiwn y partner sy'n goroesi pe baech wedi marw (ac yn Gynghorydd o hyd) ar 31 Mawrth 2025. Mae pensiynau partner sy'n goroesi yn daladwy i ŵr, gwraig neu bartner sifil.

Manylion mynegi dymuniad grant marwolaeth

Gall eich buddiolwyr grant marwolaeth fod yn un neu fwy o aelodau'r teulu, ffrindiau neu elusennau. Heb ffurflen mynegi dymuniad ddilys, telir y grant marwolaeth i'ch cynrychiolydd personol, er enghraifft, eich Ystâd.

Mae'r adran hon yn eich datganiad yn dangos pwy rydych wedi eu henwebu ar hyn o bryd i gael unrhyw grant marwolaeth sy'n daladwy, a'r ganran a nodwyd gennych y dylid ei thalu i bob un ohonynt. Os yw'r adran hon yn wag neu os nad yw enwau eich buddiolwyr yn gyfredol mwyach, mae'n bwysig eich bod yn diweddarau eich cofnod mynegi dymuniad. Gallwch wneud hyn drwy fewngofnodi i'ch cyfrif **Hunan Wasanaeth Aelodau (HWA)** a chlicio ar yr adran **Enwebiad(au) Grant Marwolaeth**, neu drwy lenwi ffurflen mynegi dymuniad y gellir dod o hyd iddi o dan yr **adran ffurflenni ac adnoddau (CPLIL Cynghorydd)** ar ein gwefan. Os oes angen copi papur arnoch, cysylltwch gyda ni.

Pwy ddylwn i gysylltu â nhw os oes gen i ymholiad am fy Natganiad Buddion Blynyddol?

Os oes gennych chi unrhyw ymholiadau am eich manylion talu neu aelodaeth ar eich datganiad, cysylltwch ag adran gyflogau eich Cyngor yn uniongyrchol.

Os oes gennych chi unrhyw ymholiadau cyffredinol am y CPLIL, cysylltwch â ni gan ddefnyddio un o'r dewisiadau isod, gan nodi eich enw a'ch Rhif Yswiriant Gwladol. Bydd hyn yn ein helpu ni i ddod o hyd i'ch cofnodion pensiwn ac ateb eich ymholiad.

Rhif ffôn: 01352 702875

E-bost: pensiynau@siryfflint.gov.uk

Cyfeiriad: Cronfa Bensiynau Clwyd, Tŷ Dewi Sant, Parc Dewi Sant, Ewloe, Sir y Fflint, CH5 3FF

Gwefan: cronfabensiynaclwyd.org.uk



cronfabensiynaclwyd.org.uk

Cronfa Bensiynau Clwyd, Tŷ Dewi Sant, Parc Dewi Sant, Ewloe, Sir y Fflint, CH5 3FF

Cyngor Sir y Fflint yw awdurdod gweinyddu Cronfa Bensiynau Clwyd ac rydym ni'n defnyddio eich data personol yn unol â'r ddeddfwriaeth Diogelu Data i ddarparu gwasanaeth gweinyddu pensiynau i chi. I gael rhagor o wybodaeth am sut rydym yn defnyddio eich data, gyda phwy rydym yn ei rannu, a'r hawliau sydd gennych mewn perthynas â'ch data, darllenwch yr Hysbysiad Preifatrwydd ar ein gwefan.